


15-02

**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP Rad, KJKP Park, Ministarstvu privrede Kantona Sarajevo i KJP Veterinarska stanica doo Sarajevo.

**PREDMET: Stanje javne higijene, zaštita javnog zdravlja i preventivne mjere povodom pojave zaraznih bolesti na području Kantona Sarajevo**

Poštovani,

Cijeneći sve češće pojave i upozorenja vezana za zarazne bolesti poput bruceloze, leptospiroze i hanta virusa, kao i pogoršano stanje javne higijene na području Kantona Sarajevo, a posebno imajući u vidu dolazak toplijih dana i povećan rizik od razvoja potencijalnih žarišta infekcija i zaraznih bolesti, u skladu sa Poslovníkom Skupštine Kantona Sarajevo upućujem sljedeća zastupnička pitanja:

**I. MJERE ZAŠTITE JAVNOG ZDRAVLJA I JAVNE HIGIJENE**

1. Koje su konkretne aktivnosti nadležna ministarstva i javna komunalna preduzeća poduzela u cilju sprečavanja pojave i širenja zaraznih bolesti poput bruceloze, leptospiroze i hanta virusa na području Kantona Sarajevo?
2. Koje preventivne mjere su pripremljene i planirane kako bi se nivo javnog zdravstva i javne higijene podigao na viši i zadovoljavajući nivo?
3. Da li postoji koordinacioni plan djelovanja između nadležnih ministarstava, javnih komunalnih preduzeća i zdravstvenih institucija u slučaju pojave zaraznih bolesti?
4. Koje su aktivnosti provedene na terenu u posljednjih 12 mjeseci u vezi sa kontrolom higijenskih uslova, uklanjanjem otpada, održavanjem zelenih površina i smanjenjem rizika od pojave glodara i drugih prenosnika zaraznih bolesti?

**II. ODLAGANJE OTPADA I STANJE JAVNE HIGIJENE**

1. Zbog čega se u pojedinim dijelovima Kantona Sarajevo, posebno u padinskim dijelovima općina Centar, Novo Sarajevo i Novi Grad, smeće ne odvozi redovno i zbog čega se otpad na pojedinim lokacijama zadržava danima?
2. Molim da se dostavi detaljna informacija o dinamici odvoza otpada po općinama i naseljima na području Kantona Sarajevo.
3. Koje su konkretne prepreke i problemi koji su doveli do učestalih kašnjenja ili neizvršavanja redovnog odvoza otpada?
4. Koje hitne mjere su poduzete ili će biti poduzete kako bi se spriječilo stvaranje potencijalnih žarišta infekcija i zaraznih bolesti usljed neodvoženja otpada?

**III. AKTIVNOSTI JAVNIH KOMUNALNIH PREDUZEĆA**

1. Koje aktivnosti su KJKP Rad i KJKP Park poduzeli u cilju unapređenja javne higijene i zaštite zdravlja građana?

2. Da li su provedene dodatne aktivnosti čišćenja javnih površina, zelenih površina, autobusnih i tramvajskih stajališta, terminala i drugih javnih prostora?
3. Da li postoji plan pojačanog održavanja i čišćenja tokom proljetnog i ljetnog perioda 2026. godine?
4. Koliko je sredstava izdvojeno za aktivnosti održavanja javne higijene i preventivne mjere zaštite zdravlja građana u 2026. godini?

#### IV. ZAŠTITA ZDRAVLJA ŽIVOTINJA I KONTROLA UOČI KURBAN-BAJRAMA

1. Koje su aktivnosti Ministarstvo privrede Kantona Sarajevo i KJP Veterinarska stanica poduzeli kako bi se osiguralo zdravlje stoke i time zaštitilo zdravlje građana u periodu predstojećeg Kurban-bajrama?
2. Da li su izvršene pojačane veterinarske kontrole stoke koja će biti predmet prometa i klanja tokom Kurban-bajrama?
3. Koje preventivne mjere su poduzete imajući u vidu činjenicu da je upravo u periodu Kurban-bajrama prethodne godine došlo do pojave bruceloze na području Kantona Sarajevo?
4. Da li postoje registrovana nova žarišta bruceloze, leptospiroze ili drugih zaraznih bolesti životinja na području Kantona Sarajevo?
5. Koliko je izvršeno veterinarskih pregleda, kontrola i laboratorijskih analiza u posljednjih šest mjeseci?
6. Da li postoji plan pojačanog nadzora i kontrole tokom trajanja Kurban-bajrama i molim da se isti dostavi.

#### V. REALIZACIJA RANIJIH INICIJATIVA

1. Koje su aktivnosti poduzete po ranije upućenim inicijativama i zahtjevima Kluba SDA u Skupštini Kantona Sarajevo i mojim zastupničkim pitanjima koja su se odnosila na javnu higijenu, zaštitu zdravlja građana i unapređenje kvaliteta života u Kantonu Sarajevo?
2. Zbog čega do danas veliki broj tih inicijativa nije realizovan niti su pokrenute konkretne aktivnosti na njihovoj implementaciji?
3. Da li nadležne institucije smatraju da je trenutno stanje javne higijene i preventivne zaštite zdravlja građana na zadovoljavajućem nivou?

#### ZAKLJUČAK

Sve češće pojave zaraznih bolesti, pogoršano stanje javne higijene, neredovan odvoz otpada i nedovoljno preventivno djelovanje nadležnih institucija predstavljaju ozbiljan rizik po zdravlje građana Kantona Sarajevo.

Posebno zabrinjava činjenica da se otpad u pojedinim dijelovima grada zadržava danima, stvarajući potencijalna žarišta infekcija i zaraznih bolesti upravo u periodu dolaska toplijih dana.

Također, imajući u vidu iskustva iz prethodne godine kada je u vrijeme Kurban-bajrama evidentirana pojava bruceloze na području Kantona Sarajevo, smatram da je neophodno hitno poduzeti sve preventivne i kontrolne aktivnosti kako bi se zaštitilo zdravlje i životinja i ljudi.

Građani Kantona Sarajevo imaju pravo na čist, siguran i zdravstveno zaštićen životni prostor, a nadležne institucije imaju obavezu da blagovremeno i odgovorno djeluju u interesu javnog zdravlja.

S poštovanjem,

